

cœperint ascendere, et contaminare conscientię tuę lectum, dicas cum B. Jacob: *Ruben primogenitus meus, non crescas, quia ascendisti cubile patris tui*⁷²; et sic in spiritu fortitudinis allidantur ad petram parvuli Babylonis⁷³. Tertium cogitationis genus damnable est, quod de luxuriæ, aut superbie, aut invidiæ, vel alterius detestandæ iniquitatis sterquilinio latenter obrepit; cuius fetorem, quam cito exhalare persenseris, averte animum, cogita terribilem in suis judiciis Deum, curre ad lacrymas et gemitus, illamque cogitationem de longe auctoritate imperiosa cohibeas. Mors in illa est, ideo ipsam nulla occasione tibi approximare permittas. Quod si tui dominata non fuerit, tunc immaculatus eris⁷⁴, eritque sub te appetitus tuus et tu dominaberis illi⁷⁵. Si vero aliqua cogitatio virulenta, vel in modico tuos sensus inficit, et vulneratus es a serpente, curre ad serpentem æneum; Christum invoca, cui omnis cogitatio confitetur. In corde contrito et humili poteris cogitationem tuam mirabili artificio humilitatis auferre ab oculis ejus, ut eam non videat, qui omnia videt. Auferte, inquit, malum cogitationum vestiarum ab oculis meis⁷⁶. O quam mirabiles et terribiles oculi, quos neque cogitatio parva prætervolat! Deus enim, sicut videt actus, ita hominum contemplatur affectus; nec opus est ut quis ei testimonium perlibeat de homine. Ipse tamen nullum post humili confessionem, videt peccatum, quoniam *charitas operit multitudinem peccatorum*⁷⁷. Super omnia studeas ante misericordes oculos Dei humili et miserabilis apparere; præ cunctis virtutibus humilitas Deo familiariter et considerenter assistit. Hæc Deo cognata est et amica, hæc sola virtutum se esse ignorat, ipsa de suo contemptu sit honorabilior, et in sui abjectione alias virtutes exigens, dum ex eo proficit quo officit, omnium dispendia recompensat. Humiliare ergo, nec filio Patris tui sit dedecori hu-

A militas, quæ non dedecuit Filium Dei. Descendit Naaman de curru superbie in Jordanem⁷⁸, qui interpretatur *descensus*, sive humilitas, et a leprosa mundatur. Descende et tu, atque humiliare, si vis a peccato mundari. Propterea Psalmista dicit: *Memor ero tui de terra Jordanis, et Hermonium a monte modico*⁷⁹. Mons quidem modicus est superbia hujus vitæ, tam brevis, tam miseræ, tam incertæ. Et unde superbiet terra et cinis, vermis setens, reptans in palude ranunculus, cadaver putridum, lutum vermis scatens, et vile morticinium? Leva manus tuas in superbias nostras Deus et confingit cornua peccatorum⁸⁰. Humilietur in pulvere anima nostra, ut cum lamentatore propheta ponamus in pulvere os nostrum, si forte sit spes⁸¹, si forte convertatur et ignoscat Deus, atque secundum multitudinem iræ suæ non queratur⁸². Horrendum quippe est incidere in manus Dei viventis⁸³. Ignis enim succensus est in furore ejus et ardebit usque ad inferni novissima⁸⁴. Domine, ne in furore tuo arguas me⁸⁵, sed sustine, ut me ipsi arguam confitendo. Et quæ tibi gloria, Deus, si creaturam tuę conformem in imagini et charactere tuę filii consignatam perpetua excommunicatione præcidas a communione sanctorum, ut eam æternæ mortis abyssus absorbeat, et super eam urgeat os suum puteus infernalis? Quæ utilitas in sanguine meo, Deus, si descendero in corruptionem⁸⁶? Quis ex vobis poterit stare cum igne devorante? aut quis stabit cum ardoribus sempiternis⁸⁷? Vincat, quæso, Domine, misericordia tua miseras meas, et meas iniquitates benignitas tua. Suscites in me veræ contritionis et confessionis affectus, et ne torquar gehennalis ignis incendio, ignem in me tuę dilectionis accendas. Quod nobis concedat, qui vivit et regnat Deus per omnia sæcula sæculorum. Amen.

⁷² Gen. 49. ⁷³ Psal. 156. ⁷⁴ Psal. 48. ⁷⁵ Gen. 4. ⁷⁶ Isa. 1. ⁷⁷ I Petr. 4. ⁷⁸ IV Reg. 5. ⁷⁹ Psal. 41. ⁸⁰ Psal. 74. ⁸¹ Thren. 3. ⁸² Psal. 10. H. ⁸³ Hebr. 10. ⁸⁴ Deut. 32. ⁸⁵ Psal. 6. ⁸⁶ Psal. 29. ⁸⁷ Isa. 33.

DE PŒNITENTIA VEL SATISFACTIONE

A SACERDOTE INJUNGENDA.

Venerabili Patri et amico in Christo domino W.,
Dei gratia abbati, N. PETRUS Blesensis salutem, et
de pœnitendis pœnitere.

Nimia tui rigoris austeritas, quam exeres in tuorum confessionibus fratrum, sicut dicitur ex eorum querela communī, enormum generat materiam scandalorum. Susceptos enim ad pœnitentiale remedium, post confessionem, publice dehonestas. Nam, licet infirmitates eorum verbo non publices, quadam tamen superciliosa et notabili despectione

D opinionem eorum apud alios sinistra suspicione contamina. Novisti quam gravi animadversione plectatur transgressio sacerdotis peccata sibi confidentium revelantis. Nec multum interest utrum voce vel signo, vel quodam vultuoso contemptu, aut alias nimia severitate satisfactionis secreta conscientię alienæ vulgentur. Tales equidem canonica censura deponit, ac depositos perpetuæ et ignominiosæ peregrinationi addicit. Sicut scribit B. Gregorius⁸⁸: Ars est artium regimen animalium. Spi-

⁸⁸ Cap. Qui vult, c. Sacerdos de pœnit. d. 8.

ritualis ergo medicus in recipienda confessione multa cautela utatur. Oportet enim, sicut in Pœnitentiali Romano docemur⁸⁷, ut sacerdos in multa mansuetudine et benignitate suscipiat pœnitentem. Oret in primis pro eo, nec se peccatorem profiteri dubitet, ut ad compunctionem provocet pœnitentis affectum proprio humilitatis exemplo. Nullum omnino despiciat peccatorem, quia sicut B. Hieronymus scribit : Ille nullum despicit peccatorem, qui peccatores redimere venit. Et adjungit : Si pœnitens post confessionem contemnitur a prelato, facile in desperationis foveam detruditur : quod quidem peccatum adeo damnable est, ut Deum ad iram provoget, nec veniam mereatur.

Sicut ergo consitenti necessaria est humilis et sincera devotio, sic pœnitentiali, id est sacerdoti, necessaria est diligens et circumspecta discretio, ut discernat inter lepram et lepram, ut habeat in se tria, bonitatem, scientiam, disciplinam : bonitatem in sanctitate, scientiam in eruditione, disciplinam in correctione. Ille tria quidam postulabat, dicens : *Bonitatem, et disciplinam, et scientiam doce me*⁸⁸. Sit Samaritanus infundens oleum misericordiae vinumque justitiae⁸⁹. Habeat conscientia ejus, quasi arca fœderis, manna et virgam⁹⁰, ut sciat compati et ignoroscere, arguere et monere. Gaudat de primitivis fructibus pœnitentis, sicut bonus agricola compatiatur infirmo, dubiumque confortet recolens illud Apostoli : *Quis infirmatur, et ego non infirmor*⁹¹? Et audiens tentationes illius, suam infirmitatem cogitans, apud se dicat : Si in tanta tentatione suissem, gravius cecidisse. Nihil dicatur aut fiat cum indignatione et ira : *Ira enim viri justitiam Dei non operatur*⁹². Medium autem tencat, ne nimia remissio, vel nimia austeritas sit in eo, certumque pœnitentiis modum, juxta sanctorum Patrum instituta prescribat. Beatus enim Gregorius⁹³ falsas pœnitentias vocat, quæ non secundum auctoritatem sanctorum et pro qualitate criminum imponuntur. Sunt equidem qui peccatis gravibus leves et inusitatos injungunt pœnitentiae modos, consuentes, juxta verbum prophetæ, *pulvillo sub omni cubito manus, et cervicalia sub capite universæ aetatis*⁹⁴. Hieronymus super Danielēm : *Quamobrem consilium meum placeat tibi, peccata tua e'emosynis redime, si forte ignoscat tibi Deus*⁹⁵. Cum beatus Daniel, præscius futurorum, de sententia Dei dubitet, rem temerariam faciunt qui audacter veniam peccantibus pollicentur. Isidorus De summo bono⁹⁶ : Sunt qui pœnitentibus securitatem cito pollicentur, quibus bene per prophetam dicitur : *Curabant contritionem filiæ populi mei cum ignominia, dicentes : Pax, pax, et non est pax*⁹⁷. Cum ignominia, inquit,

A curant contritionem, qui cito pœnitenti promittunt securitatem. Sunt qui austerritate jugum Domini suave exasperant, et onus ejus leve aggravant, alligantes *onera importabilia, digito autem suo nolunt ea movere*⁹⁸. Isti sunt qui, contra præceptum legis, infirmo fratri commodant ad usuram; usura enim est quidquid satisfactionis supra debitum regulare injungis. Isti exerceant zelum justitiae in sermone, et non in azymo, ut iracundiae satisfiant, non ut Christo fructifcent. De talibus scriptum est : *Concupiscentia spadonis devirginavit juvenculam, ita et qui per vim judicium facit*⁹⁹. Anima siquidem pœnitentis scandalizata corrumpitur, nec ex correctione illa fructus justitiae generatur. De talibus dicit Dominus per prophetam : *Mortificabant animas quæ non moriuntur, et vivificabant animas quæ non vivunt*¹⁰⁰. Ad pastores perversos dicit Dominus per prophetam : *Vos cum austerritate imperabatis eis. Sed, juxta verbū Sapientiæ : Horrende et cito judicium his qui præsunt, fieri*¹. Recta igitur, et sine animi turbatione oportet esse judicia, sicut Eliu in libro Job² dicit : *Non te supprimat ira, ut aliquem opprimas*. Legislator monachorum in Regula dicit³ : *Cogitat abbas se de omnibus judiciis suis reddere rationem in die judicii, ne forte zeli, aut invidie flamina urat animam suam. Quorumdam mos, aut potius mors est; animæ enim peremptorium judicatur a sanctis Patribus, quod serventiore zelo proprias, quam Christi prosequuntur injurias. Verumtamen sicut beatus Augustinus scribit⁴ : Peccare in nos longe levius est quam peccare in Deum. Si enim vir in virum peccaverit, dicit Samuel, remitti ei potest. Si autem peccaverit in Deum, quis orabit pro eo?*⁵ Nos autem econtrario, dicit Augustinus, injuriæ Dei misericordes, et faciles sumus, et ejus offensam, quasi velle et nolle Dei in nostra potestate sit, sine pœnitentiae satisfactione remittimus. Si quid autem in opere, vel in verbo contumeliose attentatum est contra nos, illud graviori animadversione persequimur. Unde Ambrosius in homilia : *Quod in hominem committitur, remitti facile potest; non autem sic, quod attentatur in Deum. Graviter itaque offendis, si Dominico debitori culpas, quæ in Deum sunt, impune dimittis, ac ecclesiis Regis debitum tua præsumptione resolvis. Pœnitentialis auctoritas multòs convertit in reprobum sensum.*

Refert beatus Hieronymus de sene quodam, qui juvenem vexatum spiritu fornicationis et pœnitentem in foveam desperationis dejecerat, sed ab alio sene confortatus est, ita ut spiritus immunditiae juvenem derelinques, primum senem aggrediens eumdem anxie molestaret⁶. Sæpe videmus aliquos

⁸⁷ Greg. part. i Pastor. c. 4. ⁸⁸ Psal. 448. ⁸⁹ Iuc. 10. ⁹⁰ Hebr. 9. ⁹¹ II Cor. 11. ⁹² Jac. 4. ⁹³ De pœnit. c. Falsa. dist. 5, in c. 15, 1 I Reg. et homil. 26 in Evang. ⁹⁴ Ezech. 13. ⁹⁵ Dan. 4. ⁹⁶ Lib. III, cap. 15. ⁹⁷ Jer. 6. ⁹⁸ Matth. 23. ⁹⁹ Eccli. 20. ¹⁰⁰ Ezech. 13. ¹ Sap. 6. ² Cap. 36. ³ Benedictus in cap. II Reg. ⁴ Serm. 48 De sanctis. ⁵ I Reg. 2. ⁶ Vitæ Patr. p. II; Cassia. col. 2 c. 13.

hujus vestri ordinis episcopis consilieri, vel illis A quo pro se elegant episcopi, quod quidem scimus esse contra constitutiones Patrum et honestati contrarium. Sed quid faciet anima deterrita ab abbatie alicui de monasterio suo consilieri prohibita? Quid faciet columba seducta non habens cor?⁷ Attendite, o abbates, vobis et universo gregi vestro⁸, non principes, non domini; sed forma facti gregis in congregationibus vestris⁹, animarum medici, in eo, ut verius loquar, curatores sentinarum, et stercorum purgatores. Quæ enim stercora, quis enim sanguis menstruus, quæ putredo cadaverum immundior est, quam peccatum? Periculum est fratrem suum contemnere, et compunctum corde mortificare. Sane illi qui post confessionem despiciunt poenitentem, non multum absimiles sunt Simoni Pharisæo, qui in corde suo Christum accusabat, eo quod Mariae peccataricis poenitentiam admittebat¹⁰. Credo quod, si cum Simone tunc fuissest, qui fratrem poenitentem nunc despicit, Mariam calcibus repulisset. Porro, sicut Apostolus dicit, conclusit Dominus sub peccato omnia, ut omnium misereretur¹¹. Non enim proliceret virtus spiritualis, nisi subesset infirmitas carnis. Nam virtus in infirmitate perficitur¹². O si cognovisses et tu quam districto et tremendo judicio oporteat te respondere. Juxta consilium Joannis Damasceni¹³, consilio et tutius esset tibi rationem reddere de misericordia quam de severitate justitiae. Ille misericordiam superexaltat judicio, quem dixisse legisti: Misericordiam rolo, et non sacrificium¹⁴. Si zelus justitiae quandoque, sicut expedit, attendatur, misericordia tamen primas partes obtineat, pastor que, tanquam prudens medicus, uetus alienæ conscientiæ suaviter tangat. Calamuin quassatum non conterat, et haum sumigans non extinguit¹⁵. Quia igitur fronte, quibus oculis, qua mente, qua conscientia præsumit de Dei misericordia, quem durum et immisericordem sentit fraterna miseria? Sunt qui compellunt aliquos sibi, et non aliis confiteri: ideo illi suos excessus abscondunt, et in suis turpitudinibus perseverant, quibus illa maledictio intentatur: Væ prægnantibus, et nutrientibus in illa die¹⁶! Animæ siquidem illorum peccatis gravidæ sunt, et in sua sorde se nutriunt, donec suis desideriis satientur. Propter austoritatem prælatorum declinant corda in verba malitiæ. Sicut Augustinus in libro De Pœnitentia dicit¹⁷: Prompti sunt adexcusandas excusationes in peccatis, aut ea sub silentio claudunt, quod est perniciosa hypocrisia. Tales medici curant, et non sanant juxta illud: Curavimus Babylonem, et non est sanata¹⁸.

B Verbum Augustini est: Sacerdos debet esse immunis a culpa quam judicat; alioquin alium judicando se ipsum condemnat. Animadvertis, dicit B. Augustinus, qui bujusmodi est, evangelicani peccatricem, Dominumque dicentem: Qui sine peccato est, primus in illam lapidem mittit¹⁹. Quia igitur præsumptione alium lapidat, qui se dignum lapidatione cognoscit? Hæc dicit Dominus: Hypocrita, ejice primum trabem de oculo tuo, et sic ridebis festucam ejicere de oculo fratris tui²⁰. Magna trabs est mentis elatio, quæ sic mentis oculum obscurat; ut non qualis es, sed qualom te opinaris, aspicias. Quod damnas in fratre tuo, forte damnabilius est in te ipso. Tu quis es, qui serrum judicas alienum? Dominus tuo stat, aut cadit²¹. Quomodo scis de te ipso, utrum sis dignus amore, an odio²²? Nam delicta quis intelligit?²³. Nemo novit, quæ sunt in homine, nisi spiritus hominis, qui in eo est²⁴. Sed nec homo se ipsum cognoscit. Pravum est cor hominis, et inscrutabile, et quis novit illud²⁵? Ideo apostolus, licet nihil sibi conscient sit, minime tamen se ipsum judicare præsumit: Nihil, inquit, mihi conscient sum, sed neque me ipsum judico; Dominus autem me iudicat²⁶. Omne iudicium dedit Pater Filio. Qui ergo alium judicat, sibi perniciose privilegium Redemptoris usurpat. Pastor itaque poenitentem blande suscipiat, nec ipsum gravioris pœnitentia obseruantis, aut gravi et tyrannica vultuositate confundat. Sed si præoccupatus fuerit homo in aliquo delicto, qui spiritualis est, instruat enim in spiritu lenitatis, considerans semetipsum, ne et ipse tentetur²⁷. Apostolus Paulus loquitur sapienti, qui non condescendit fratri minus sapienti, eumque scandalizare non metuit: Peribit, inquit, in tua scientia frater tuus, pro quo Christus mortuus est²⁸. Quanto frater infirmior est, tanto ei mansuetior et diligenter esse debes. Infirmior quidem filius tenerius a matre diligitur. Et, sicut Apostolus dicit, infirmioribus membris abundantiorem honorem circumduras²⁹. Sis ergo infirmanti misericors, ut misericordiam consequaris. In qua enim mensura meusus fueris, remetetur et tibi³⁰. Judicium enim sine misericordia fieri ei qui misericordiam non fecit³¹. Misericordes vero misericordiam consequentur³². D Christus splendor, et figura substantiæ Dei peccatorum blande suscipit³³. Tu peccator, qua præsumptione cum despicias et repellis? Christus non mediocre reputat lucrum, se recuperasse ovem perditam, et diem festum cum angelis suis agit; exsultat cœlestis curia de converso et reverso ad pœnitentie fructum³⁴. Tu nec lucrum, nec jacturam reputas animarum; vis sub certis finibus limitare mise-

⁷Ose. 7. ⁸Act. 20. ⁹I Petr. 2. ¹⁰Luc. 7. ¹¹Rom. 11. ¹²II Cor. 12. ¹³In orat. de fideli defunct. ¹⁴Matth. 9. ¹⁵Matth. 42. ¹⁶Matth. 24. ¹⁷Cap. 15 et 20. ¹⁸Psal. 140. ¹⁹Jer. 51. ²⁰Joan. 8. ²¹I Cor. 2. ²²Luc. 6. ²³Rom. 14. ²⁴Eccle. 9. ²⁵Psal. 18. ²⁶I Cor. 2. ²⁷Jer. 17. ²⁸I Cor. 4. ²⁹Gal. 6. ³⁰I Cor. 8. ³¹I Cor. 12. ³²Matth. 7. ³³Jac. 2. ³⁴Matth. 5. ³⁵Hebr. 1. ³⁶Luc. 15.

ricordiam Dei, cuius misericordiae non est finis? A
Paters familias largus est, et avarus est dispensator.
*Existimasti inique, quod ero tui similis*²³, dicit Do-
minus, et misericordiam meam de duritia tua me-
tiris? Quid scis, si jam lacrymis et contritione
mundatus es? Liberatus est forte ipso proposito
confitendi. *Dixi: Confiebor, et tu remisisti*²⁴. La-
zarus a Domino suscitatus est²⁵, antequam ab apo-
stolis ejus institutae solverentur. Leprosi a Domino
mundati sunt, antequam se ostenderent sacerdoti-
bus²⁶. Christus autem dimisit peccatum, pro quo
tu pœnitentem judicas, et cum Phariseo despicias
Publicanum²⁷. Pius et misericors Deus pœnitenti
offert pacem, priorque mittit legatos de pace, qui
prius de pace fuerat requirendus. Nimirum in ne-
gotio pœnitentiae misericordia et veritas obviant
sibi, seque osculantur justitia et pax²⁸. Justitia et
veritas rei se judicantis et punientis, misericordia

A et pax Dei gratuito indulgentis. O beata spes con-
fitemur! Iste prodigus Alius, qui adeo immuniter
peccavit in cœlum et in terram, nec in aliquo satis-
fecit, statim reconciliatus est patri²⁹, longeque
promptior et ardenter erat pater ad miserandum,
quam filius ad misericordiam obtinendum. *Nolite*
B timere pusillus grec³⁰. Accedite securi ad thronum
glorie, qui non audebatis vel de gratia cogitare.
*Venite omnes, qui laboratis, et onerati estis*³¹. Venite
omnes, qui computruistis in immunditiis vestris.
Velit, nolit superciliosæ hypocrisis Pharisæi, ba-
ptismus pœnitentiarum cunctis exponitur. Hic patet
fons domus David in ablutione peccatoris et men-
struante. Non hic baptizas tu, qui despicias pœnitentem;
non Joannes, sed Christus, qui quanto diffe-
rentius præcellit omnibus, tanto dulcius et glorio-
sins confirmata est super nos misericordia ejus.
Vale.

²³ Psal. 49. ²⁴ Psal. 31. ²⁵ Jean. 11. ²⁶ Luc. 17. ²⁷ Luc. 18. ²⁸ Psal. 84. ²⁹ Luc. 12. ³⁰ Ibid.
³¹ Matth. 44.

CANON EPISCOPALIS

ID EST

TRACTATUS DE INSTITUTIONE EPISCOPI.

Reverendo Patri et domino JOANNI⁽¹⁷⁾ Dei gratia
Vigornensi episcopo suus PETRUS Bles. archid., sa-
ludem et fidelem esse in ministerio Christi.

Petis instantius, reverendissime Pater, ut de epi-
scopali officio aliquid tibi scribam, quod in hac
novitate solatim tibi sit, et ædificet ad salutem.
Ego siquid latitans in obscuru, et sub modo
fumigans, lucernæ super candelabrum positæ tene-
bras meas compellor ingerere. Doctum indoctus
docere præcipior, et ægrotus bene habenti reme-
diu medicinale conficer. Abundas vino et oleo
spirituali, teque unctio docuit de omnibus, et ta-
men a me postulas unctionem. Ego autem servus
sanctitatis vestræ, non habeo nisi modicum olei,
quo ungar; imo paululum aceti, quo sub diebus
æstivis licet mihi cuin messoribus Booz buccellam
panis intingere³²; illud vero tantillum non recipit
portiones; *charitas* tamen *nunquam excidit*³³; et
quanto, quæ sua sunt, manu largiore dispensat,
tanto plenius crescit, et ex impedio liberali, farina
vidua et olei lecythus exuberat³⁴. Manna quidem
putrescit, et vermis scatet, si fuerit reserva-

C tum³⁵; erogatum autem utiliter, fit panis cœlestis
et refectio angelorum. Scio quod gratia Dei obest,
si non alii prodest. Qui autem Dei donum in usum,
et utilitatem alienam communical, plenus meretur
habere, quod habet; nam dabitur ei et abundabit.
Qui autem e diverso talentum Domini abscondit,
quod videtur habere, auferetur ab eo³⁶. Ego siquid
talentum non habeo, sed minutum, quod me
in gazophylacium mittere oportet; ibit tamen in
creditum, ex quo invenitur, qui illud in causam
mutui recipiat, si forte ex sorte modice uberior
accessio usuræ proveniat: faciam quod possum;
præsumet dilectio quod non possum. Vena ingenii
languentis animabitur desiderio, stylumque jacen-
tem eriget accensa charitate devotione. Nunquam ex
D parte mea degenerabit ille socialis affectus, qui in-
ter nos longi temporis excursu coaluit. Illi accessit
tua dignitas, non successit, atque familiaritatis anti-
quæ vinculum tua cathedra non dissolvit. Si ambu-
les super penas ventorum, si ascendas in cœlos,
vel descendas in abyssos, mutationem status affectio
non agnoscit. Jam servet, jam ebullit animus ad

PETRI DE GUSSANVILLA NOTÆ.

(17) Appellabatur hic Joannes de Constantiis, qui
ex decano Ecclesiæ Rothomagensis factus est epi-
scopus Wigorniensis in Anglia. De eo vide quæ dixi-
mus in notis ad epist. 121.

³² Ruth 2. ³³ I Cor. 13. ³⁴ III Reg. 17. ³⁵ Exod. 16. ³⁶ Matth. 13.